

Høyringsuttale til Planprogram for regional plan for klima 2023-2035 ,

Vestland Fylkeskommune

Denne høyringsuttalen er skriven på vegne av prosjektet "Redusert klimautslepp i Vestlandsjordbruket". Forprosjektet ligg i dag under Sogn og Fjordane Landbruksselskap og Vestland Bondelag, mens hovudprosjektet, som startar til hausten, skal liggje under Vestland Landbruksselskap, som er under etablering.

Plantema: Prosjektet er nøgd med dei plantema som er valt.

Reduserte klimautslepp: Landbruket har signert ei avtale med Staten om reduksjon av klimautslepp og auka karbonbinding frå næringa og det er viktig at Fylkeskommunen tar utgangspunkt i denne når dei ser på tiltak og verkemiddel retta mot landbruket. Prosjektet «Redusert klimaavtrykk frå Vestlandsjordbruket» er ein samla landbruk i Vestland sitt svar på korleis klimaavtalen skal fyllast utan at det går ut over arealbruk, produksjon, dyrevelferd og dyrehelse.

Utgreiingar: Eit viktig verkemiddel som landbruket sjølv har for å fylgje opp avtalen med Staten er Landbrukets Klimakalkulator. Ein utfordring for at klimakalkulatoren skal kunne vere eit godt verktøy for bønder på Vestlandet er at det er store manglar innan jordsmonnsmarklegging i fylket. Dette er det stor trong for. Det er NIBIO som gjer dette arbeidet og det vil vere avgjerande med meir jordsmonnsmarklegging for at vestlandslandbruket skal kunne drive klimavennleg i framtida.

Trygt og robust Vestland: Når det gjeld klimatilpassing er avgjerande å hugse på at klimatilpassing er noko anna på Vestlandet enn t.d. på Austlandet. Bratt terreng, meir nedbør og andre jordtypar gjer at ein må treffe andre tiltak her enn andre stader i landet.

Redusere klimafotavtrykket: Matsvinn er ein del av Landbrukets Klimaavtale, men da i hovudsak som ein del av Staten sitt ansvarsområde. Når Fylkeskommunen skal sjå på berekraft og klimagrep i deira innkjøpsavtaler ynskjer prosjektet å lansere slagordet: «Ét sesong, ét lokalt og ét opp!» I dette ligg t.d. tanken om at når det vert servert frukt i møtelokale, så vel ein norsk frukt og grønnsaker som gulrøter, blomkål, eple og plommer, framfor ananas og druer eller anna frukt som ikkje vert produsert i Noreg.

Medverknad: Prosjektet takkar for moglegheita til å gje uttale. Det er ynskjeleg at prosjektet vert involvert i planprosessen vidare.

På vegne av forprosjektet «Redusert klimaavtrykk frå Vestlandsjordbruket»

Frøydis Haugen

Prosjektleder